



是程堂集卷第七目錄

夏夜三絕句

同人蘇齋小集

十五夜與小湖步月書事

十六夜高大邁庵集小檀藥室王君新樹復攜茗

果置大觀臺遣急足見招輒與邁庵踏月相赴

十七夜步月大觀臺復飲寶月山房三絕句

十八夜春松觀察書農庶常青士孝廉積堂上舍

同集拂塵庵涼雨初歇華月忽上復陪諸公登

紫陽山還宿庵中鐙下拈韻得見字

題汪瘦山吟秋圖

是程堂集七目錄

看雲

雨過閒步看秋色時庭桂亦有消息矣雜綴成詠

魏秋浦先生桂巖小隱圖令嗣春松觀察屬題四

首

讀楊誠齋詩

意行山徑中採淡竹葉花染便面題句其上

臥病庵中示座客

卽事二絕句

往者張君孟滄贈詩有我昔聞君名毀譽各參半

之語有概於中不遑酬答嗣以蒼茫獨立詩畫

冊見索題句眇邈泓窈逃情刺虛可以見君志



矣聊抒已懷以當贈處

訪陳文水孝廉丈于螺峰草堂題贈二首

上後山脚望湖上五絕句

題方丈蘭士南山蕭寺圖

自題耶溪漁隱圖四首

僕最愛梅雪香工畫梅嘗館余家三歲矣乃徧張
名人畫梅以供清賞并贈一絕

木芙蓉三絕句

還山陰訪沈筠虛昆季商拜亭吳節庵同遊瓢閣

晚集沈氏竹上樓卽席賦贈諸公兼懷徐宸照

贈鄰翁

是程堂集七百錄

遊江上諸寺

雁

自壽興抵皋部

田間謠二首

絕句

晚望

同胡書農許青士由松木場買舟入古蕩

花鳴二首

休庵九十老僧

法楞庵贈顧處士

夜雨宿蔣蔣村留溪山莊蔣方著北鄉小志自宋

迄今通顯隱逸別列傳誌酒間出眎論議慷慨
主客皆醉

七十二峰樓曉起

秋雪庵

趙氏園

秋晚

漫興

畫鷹

鬪蟋蟀

仙山引

是程堂集七百錄

三

是程堂集卷第七目錄

是程堂集卷第七

錢塘屠倬 孟昭

夏夜三絕句

雨餘山石長莓苔竹裏軒窗暑不來一樹白薇花似雪
夜深風露却全開

十丈楸欄過屋檐風多涼透夜明簾秧田雨足知猶未
看取盆池寸許添

避暑無方只閉門宿醒纔解又傾尊無心觀化化先及
一箇流螢黏草根

同人蘇齋小集

晚涼格格響輕雷雨意前山作意催淺水池如環曲尺

是程堂集七

早荷花欲放重臺病餘愛對頽唐客醉後猶呼冷淡杯
文字紅裙兩不廢隔簾檀板一低徊

十五夜與小湖步月書事

秋氣能悲不能逸秋士宜秋復宜月今人誰是謫仙才
逸氣散作秋聲來謫仙已作騎鯨客萬古長留月華白
我心悲逸兩不知江流無聲天一碧饑鳥啞啞啼長林
巖城漏下簫管沈檀槽急撥翠蛾斂秋聲滿樹愁人心
愁心爭似月華滿星斗寥寥卓圓織千場博得開口笑
萬金不買良宵短西風吹人不肯還美人清涕橫闌干
踏歌聯臂市中走那識山中月更寒

十六夜高丈邁庵集小檀藥室王君新樹復攜茗

果置大觀臺遣急足見招輒與邁庵踏月相赴
何地無明月但少閒如吾兩人君看長帽翁一生幾訪
張懷民住山占得僧房好看月占得江樓早高翁微笑
一掀髯也說如吾兩人少王郎却住寶月山今宵亦復
如我閒我居清平山較僻挈榼待我苔岑間兩山相去
隔幾里高臺我栽半山起上方平揖浙江潮半窗遠納
西湖水此時皓月當中天或據地坐或醉眠蒙頭濕透
露華白四圍濃綠團蒼烟彩雲忽向樹梢挂却與江水
相澄鮮所惜清光不如昨夜足一分減却冰輪圓何來
仙人騎白鳳天風吹衣五銖重噉退行雲不許停魚鱗
割碎玻璃凍我思當年蘇老夜下蒼梧灘起舞不作三

吳梅堂集七

二

人看復言天壤間何人不清安可知清安在人耳我但
能閒亦如此胡然杭城十萬家兀兀同在秋夢裏山中
故人復遠遊離心北指黃河流只有清風明月不須買
照我今夜吟上江邊樓人生可樂會須樂千秋萬歲安
能愁行行迴指下山路先送王郎過山去

十七夜步月大觀臺復飲寶月山房三絕句

蛩聲作意送秋來晚眺還登百尺臺江面芙蓉鬧秋雨

九枝鐙上一齊開

見江干設盂蘭盆
會放荷鐙甚盛

得得芒鞋破蘚痕西風搖兀楚騷魂夜深絡緯啼烟歇

涼月如潮吹到門

不爲尋秋不上山鐘聲送我出禪關不如公等多情甚

迎我來時復送還

時素門邁庵蘇門新樹
送余至四宜亭別去

十八夜春松觀察書農庶常青士孝廉積堂上舍

同集拂塵庵涼雨初歇華月忽上復陪諸公登

紫陽山還宿庵中鐙下拈韻得見字

幾日殘暑消涼意滿僧院不嫌月上遲差喜客來便秋
宵滌煩襟微雨爲之先雲從別峰生風自長林扇山居
境逾寂譚深坐忘倦蕭蕭竹聲疎滴滴檐溜濺是時夜
過丙忽吐流雲絢天空撒繁星江淨曳匹練月華翳復
明喜與嘉客見軒窗透瓏玲楂枿悅葱蒨四圍光明燭
頃刻狀候變羣峰亦破笑爭出鬪宛變紫陽高百尺平
視江對面厓顛聳孤出徑曲通一綫呼童撥蒙密縱步
脫拘牽芒鞋踏草露爛爛如潑潑走避怪石蹲坐列嘉
樹選幽懷洗塵翳曠宇豁遙眄雲沙接滉漾蘿壁觸蔓
延凜乎不敢留欲去意還戀打頭梧葉落風吹作胡旋
歸途振衣衫脫落雲幾片入門山大吹褰幔風鐙顛重
呼整杯筓展席安筆硯境奇不苟同語妙經百鍊疑有
蛟龍聽陰森出古殿

題汪瘦山吟秋圖

詩老類秋蟲吟秋聲百種吾讀歐公語愁思集控偃不
如君懷澹觀化息羣動胡爲亦苦吟肩作秋山聳蕭寥
衆籟寂風雨一鐙擁曉起報園丁疎花發寒隴

看雲

看雲兼看水吾與爾忘形草木含生理鳶魚見性靈豐
年今飽飯陋室且橫經領取南華旨孤懷託窈冥

雨過閒步看秋色時庭桂亦有消息矣雜綴成詠
短籬亂插秋花嬌西風一吹數尺高海棠的的雨新沐
雞冠危危風獨搖高枝低枝各相亞側出一枝穿葉罅
胭脂草濕細蔓鋪牽牛花弱瘦竹扶腥紅紺碧爭媚嫵
蝴蝶飛來避秋雨更有開殘金鳳花亦復翩翩雙翅斜
庭前扶疎兩株桂曉起風過暗香遞更三兩日月華圓
把酒看花有成例我生愛花不獨春春花秋花同可人
卽看荷芰已零落那不及時動芳酌

魏秋浦先生桂巖小隱圖令嗣春松觀察屬題四

吳程堂集七

四

首

獨坐疎花瘦竹間翛然杖履足清閒先生自著參同契
不誦淮南大小山

石壇瑤室臥仙官金粟離離翠榦攢香近中原不散
年年秋到月華寒

功德何須問季方書香都染作天香君家况有好詩讖
犀首纍纍佩印章

一枝自擅邴林秀諸子真如竇氏賢他日看成一品集
剡谿紅桂賦平泉

讀楊誠齋詩

百三十卷誠齋集亦有蘇黃亦杜韓公論自推南宋冠

眞詩不解世人看得秋氣候文章健處國危疑涕淚乾
誰把頭顱寄孤憤南園記好却權奸

意行山徑中採淡竹葉花染便面題句其上

繭紙裁成月半規搗將花汁染來宜碧天影倒湘波滑
不許浮雲剩一絲

臥病庵中示座客

精藍圍住隔江山秋氣都來蒼莽間坐對無言忘可否
微吟有句待增刪貧還不減杯中物病亦能消鏡裏顏
喜共嘉賓數晨夕呼童先淪鷓鴣斑

卽事二絕句

雨氣蒸人不耐渠西風吹放木犀無晦堂解得吾無隱

指點庭前開一株

吳程堂集七

五

小雨於人病亦宜不關心事不教知養生訣與安心法
正在維摩示疾時

往者張君

孟滄

贈詩有我昔聞君名毀譽各參半

之語有概於中不遑酬荅嗣以蒼茫獨立詩畫
冊見索題句眇邈泓窈逃情刺虛可以見君志
矣聊抒已懷以當贈處

宙合不可窮乃思駕尻輿身世未有涯胡能守空株行
坐或起立法詿復吁寄情在軋沕是亦非眞吾余生
旣無似不慧亦不愚頗亦念大道未可終蛻虛有時據
槁梧自覺形神孤回飈肆碭駭心志牽煩挈古今幾朝

暮天地空蘧廬茫昧不可究如摘埴索涂念彼造物者
位置良區區或工御史驄或乘少游車或題趙岐碣或
棄令昇觚或從李嶠請讀盡中秘書不然但拍張封侯
亦良圖人生笑齒莽日已心計麤神明寄空竅違才託
荒餘從來相奇士未當別屠沽是身爲夢宅封情安能
攄往與吾子交逸若鳳脫箴自顧雖褻劣不制如草駒
振奇亦何益穢跡仍自汙猶猶與鼎鼎微尚不可誣吁
嗟觸世網智術交相驅先機動眉睫給口掉舌樞嗜欲
涇渭雜衣冠纍囚拘子子顛倒間坐令歲月徂何如攝
神智鎔入大冶鑪俯仰八紘隘出入元化俱顧此平生
懷未免衆所迂亮哉吾子心堅白乃不渝怛中結紆軫
放曠從歌呼彌望儻莽間吾其渺江湖

是程堂集七

六

訪陳文水孝廉丈于螺峰草堂題贈二首

柴門窄窄抱城隈藥草離離恣意栽過雨峰高雲勒住
苔茅屋小樹撐開黃花側帽從人笑白髮孤吟曳杖來
忽漫相逢在山半芒鞋濕透立蒼苔

會枉高軒又幾時我來相訪已嫌遲山居雖僻寧辭遠
道氣常充便不饑老去全家都學佛鐙前有弟與談詩

謂晴波
先生

卷簾相對渾忘去土銼茶烟裊一絲

上後山脚望湖上五絕句

西風城角晚蕭蕭池影涵空細蔓交瞥見簷前跳蒼鼠
亂拋山果落藤梢

落落疎林未着霜已將慘綠變新黃湖邊塔影頽唐立
伴我無聊看夕陽

看山看到秋來瘦較與幽人心事宜祇恐人前太顛顛
畧裝紅葉露丰姿

湖光不定暮山頽非鬼非仙總浪猜蘆荻深深藏小艇
有時搖出一盞來

幽鳥不曾呼夢醒白雲應比我先還何人耐把秋聲聽
一路草蟲啼過山

題方丈蘭士南山蕭寺圖

汝陽亭長老畫師瘦身骨立青松奇湖邊僧樓借一榻
老去不受公卿知我生並世惜未見讀先生詩如識面

五七九

是程堂集七

七

長君鐵珊以山
靜居詩見貽

近來六法推浙西老鐵雖狂欲焚硯南山老

僧亦能畫

謂主雲
上人

不與吾曹別宗派此幀題作蕭寺圖更

寫名流兩三輩不知中有雲公無但見老僧一箇俱門
前迎揖定相識白髭鬚者先生乎小山公子持眎我白
雲蒼蒼寺門鎖惜哉雷峰不曾寫明朝還擬訪雲公同
展秋林夕陽下

自題耶溪漁隱圖四首

重上耶溪舊釣灘水天風景劇荒寒料量魚具無他物
斫取一枝青竹竿

幾日西風蟹稻天瓦盆沽酒一陶然不妨生剗鱸鯢手
閒棹溪邊舴艋船

洗脚船頭看白鷗此心較似水禽閒朝南暮北渾無定
趁着樵風吹又還

葑田菱泚積來深嘔軋榜聲何處尋記得小年游釣處
水楊柳外夕陽沈

僕最愛梅雪香工畫梅嘗館余家三歲矣乃徧張
名人畫梅以供清賞并贈一絕

四壁寒香瘦壓肩低頭拜倒在花前正須題作古梅屋
供養先生住十年

木芙蓉三絕句

花影娟娟水態搖趁無人立小平橋出門時候尚嫌早
曉露未乾烟未消

吳程堂集七

兩岸都依水楊柳一叢深護竹笆籬幽禽亦愛花間宿
半晌風前飛去遲

輕紅半褪却嫣然顚顚西風亦可憐霜曉嫩寒禁不住
蘆花撲絮護根邊

還山陰訪沈筠虛昆季商萍亭吳節庵同遊瓢閣
晚集沈氏竹上樓卽席賦贈諸公兼懷徐宸照

人生祇覺友朋好亂我愁心似秋草相逢苦少別苦多
西風吹人奈爾何隱侯腰帶不曾瘦吳質重逢亦如舊

狂歌不免酒酣時持螯且值秋深候商君寶意之後人
長篇和我詩格新

萍亭出示和余贈筠
虛及鷺峰寺諸作

城北徐公美無度汀
蘭采采思夫君冷風衰柳媚寒日流水聲中櫂謳發湖

中瓢閣此重來岸上芙蓉已將歇一年杯酒又今宵已
分離愁十斛澆明朝更放扁舟去江上閒鷗不可招

贈鄰翁

自安樸野舊鄉風擊壤歌聲處處同茅屋三間營燕壘
土牆一角護牛宮往來婚嫁比鄰熟報賽雞豚節物豐
人不堪憂回也樂簞瓢真合老其中

遊江上諸寺

秋光洗碧空雨剝寺門紅雙漿鷓鴣水一襟荷芰風柳
陰藏畧約塔勢表琳宮我法還求我禪宗有異同

雁

陣雁排雲一道斜江流昨夜徙寒沙西風旋作回文字

是程堂集七

九

吹散滿天蘆荻花

自壽興抵臯部

雁奴打更鼉擊鼓蓑笠衝風更衝雨不聞漁歌聽搖櫂
行人枯坐愁不眠一鐙忽落葭菼邊酒醒吾欲彈水仙

田間謠二首

老農行田不辭遠獲稻歸來正秋晚田間相逢笑語麤
豐年課足無追呼野田黃雀鳴且啄也喜今年去年熟
稻棚堆作屋山高不聞狐狸深夜噪

田間老農白髮皤拍手能作豐年歌湖田一畝三石穀
山田雨多穀再熟老夫敢辭輸挽勞昨聞漢中兵已銷

絕句

青山紅樹竹籬門，隔岸蘆花界一痕。身在畫中還看畫，
水村縮本趙王孫。

晚望

髡餘老柳怯西風，剩有黃花開一叢。寒色蕭條作秋晚，
斜陽分得柿林紅。

同胡書農許青士由松木場買舟入古蕩

佳遊遲宿諾，邀約期屢誤。果此精進心，勇縛雙芒屨。兩
君出城早，艤舟候前渡。櫂緩趣自永，山曉烟尚互。平林
未黃落，曲港任沿泝。十八里溪水一曲，一峰露孤村。轉
秦亭山，住水未住風。俗喜淳悶耕，作少逋賦。暗泉通竹
裏，涓涓細流注。滙入溪水中，尚帶落花去。爭開霜後菊，
自扎小籬護。門外雞鬪爭飛上，矮桑樹

晁程堂集七

十

花陽二首

雲氣不肯洩，裹住山一半。幽禽如導師，引我過溪看。陽
曦背諸嶺，紫翠凝不散。烟蘿旣深窈，窈窕揭雲幔。孤光
漏深鳴，一徑亘修曼。稍近萬竹交，去路忽已斷。林顛墮
微響，一箇松鼠竄。胎息動靜機，聲聞斂神觀。

空山無居人，時或通樵蘇。茅庵聚八九，此外一家無。冥
心叩寂寞，頗厭城市拘。每得清淨境，輒想此結廬。虛願
那便償，逃世又已迂。未當謝人事，焉能遂安居。譬彼道
暵者，茂蔭愛扶疎。終還舍之去，驕陽又前途。他年果却
掃，一屨良易圖。笑謝冠蓋侶，何必山澤臞。

休庵九十老僧

風隨清磬來雲抱孤松臥了了無住心苔磴隨意坐團
瓢無十笏老僧纔一箇自云歷

四朝平頭九十過山中日月古雪裏袈裟破一點無盡
鐙照見世界大彼法事寂滅我輩習懶惰較於浮囊中
同一微塵簸僧閒故得壽豈復恤寒餓打破四禪天合
十禮上座

法楞庵贈顧處士

并序

處士姓顧海寧人養正其號狀貌修偉白髭鬚
長可尺半冬夏不韞晝夜晏坐一室中泊如也
嘗以醫藥濟人報之金不辭云以供一歲食有

是程堂集七

二

所取爾也間爲詩歌多世外語問其嘗所與游
無一人嗚呼是亦有道之士歟

畸士非人間陰求亦罕覲孰令我至此而與成邂逅先
生多道氣韜精得中壽

年七十
五矣

志行山石堅狀貌古松瘦

棲元慕真隱俯仰出世宙方其遁空山萬事付悠謬乃
抱濟世心奇方縛肘後自號曰養正卽此知所守丹鑪
紫烟直茅簷白雲覆腰下蒼龍精風雨夜深鬪願言從
公游秘笈探懷袖更遲十年來鬚髮倘如舊

夜雨宿蔣蔣村留溪山莊蔣方著北鄉小志自宋

迄今通顯隱逸別列傳誌酒間出眎論議慷慨

主客皆醉

踏葉投遠村循溪度橫徇故人安樂窩卽在此山脚莊

安樂門依市梢盡樓向松間拓七十二高峰飛翠簷外

落到門鐙火昏入夜風雨作留歡展瑤席對菊開芳酌

蔣子有姪修自足讀書樂有時跨童牛行田看秋穫地

多隱君子流風歎寂寞著書勤採摭何止供譚噓三君

謂書農青士蔣村文中豪快論泉赴壑淹通與誕傲微旨各有託

夜深語刺刺僮僕相顧愕我且坐短廊乞火烘草屨

七十二峰樓曉起

荒村無戍鼓乃聞山寺鐘驚起曉來夢尚帶酒氣濃酒

氣隨宿雲散布千萬峰山靈解娛客逢逢盪心胸稍從

朝陽隙半坼青芙蓉窈窕忽離立垂鬟尚鬢鬆寒姿媚

不足膏沐誰爲容惟應萬山水瀉入筆硯中我詩能解

醒拂拂來天風

秋雪庵

短檝穿蘆磻四面都是水屋在蘆花上船入蘆花裏蘆

田一千頃溪流二三里軟藉妬羅綿中臥老佛子

趙氏園

竹密難分个林寒不積烟嵌空山石瘦面勢水亭圓小

憩渾忘客安心卽是禪接羅拚倒載狂醉習池邊

秋晚

暝色橫江潤風聲撼樹饕蛾眉新月小螺髻遠峰高向

夕憑孤檻排愁引濁醪最憐秋草色蕭颯似青袍

三十一
是程堂集七
十三

漫興

棕毛亭子枕寒谿偃蓋長松五鬣齊幽壑泉聲聽斷續
夕陽花影隔東西評量茶事須佳客補綴詩囊付小奚
無事閒吟便終日任他啼鳥盡情啼

畫鷹

健翮憑誰寫人中識郢都孤筓晚風勁淺草夕陽枯側
目渾難飽雄心不受呼老拳如肯擊伏莽有妖狐

鬪蟋蟀

趯趯復嚶嚶秋風盡日鏖螳螂羞折臂蠻觸笑分曹相
業金籠貴童心瓦注豪蟲沙埋戰骨誰與卹勤勞

仙山引

之

是程堂集七

三

前峰晴後峰雨白雲遮攔作門戶桐花白松花黃清泉
醞釀成酒香丹厓無梯高百尺石梁橫空水簾隔道人
枯坐日閉關門外縱橫麋鹿迹遠聞清磬聲琅然滿瑤
京風吹綠蘿裊日照紫烟生沈沈洞戶無絲到白虎青
鸞作前導意中神馬與尻輿世外方壺或圓嶠

是程堂集卷第七

嘉和堂中成煉開
雖於真州官舍

是程堂集卷第八目錄

舟中雨夜雜感三首

夜抵魏塘知頻伽將有越中之行留詩代柬

十月十五夜飲黃丈退庵友漁齋歸舟過宿靈芬

館二首

題郭頻伽萬梅花擁一柴門圖

題黃丈退庵馴鹿莊圖三首

題汪芝亭鴛湖訪酒圖二首

題芝亭蕪鄉釣師圖三首

偶然作

遣睡九絕句并寄魏塘諸君

是程堂集八目錄

月夜登虎阜

奔牛道中

金山

江行

舟中望攝山

經三山下

抵金陵泊龍江關下作

夜宿江上夢梅史却寄

雨花臺

小西湖題壁卽贈熊晴欄

經桃葉渡泛舟入青溪

舊院

登燕子磯

登永濟寺觀音閣

陳桂堂伊墨卿兩太守熊夢庵禮部王某畦舒鐵雲兩孝廉同集劉蓉峰觀察寒碧莊某畦作圖諸公皆有詩墨卿太守爲道十二峰之勝出圖屬題

出塞篇贈蒲快亭進士

題石濤蘭竹畫冊

再題三絕句

黃山行爲張舸齋司馬作

子字人

是程堂集八目錄

寄里中諸子

二

與墨卿太守坐月夜話二首

王覺梅屬題梅花小景二首

同袁壽階張子貞許亭史過平山堂訪小石上人

歸舟作此兼呈伊太守

敬觀倪文正手書小桃源詩真蹟爲墨卿太守題

會賓谷都轉招同趙味辛司馬懷玉王惕甫博士

芑孫彭甘亭上舍兆孫集題襟館卽席賦呈

梅花水仙瓶盆錯列并懸金冬心梅奚鐵生水仙

畫障壁間以爲錢歲清供

鐙下看花讀畫而鐙復有影影從花生畫與影併

是一而三之也戲賦一律

除夕接遂安汪丈葆園書并以未刻三集詩藁見
寄訂正復附見懷詩二章書此奉答

卽事

媚學

答汪丈葆園次原韻

題孫古雲龔伯上冢圖二首

二月廿三日同頻伽訪秋白小湖于篔橋別墅冒
雨放舟至甘墩村看桃花留連信宿同作

春寒和西竹

晏坐

しりのてい

池上

和內子

題友人四時畫幀四首

吾廬

初夏

官柳

是程堂集八目錄

三

是程堂集卷第八目錄

是程堂集卷第八

錢塘屠倬 孟昭

舟中雨夜雜感三首

客子出門風雨多，輕裝不奈旅愁何。滔滔船底水聲急，歷歷燈前帆影過。歲晏預商歸計早，天寒難得醉顏酡。却憐江上閒鷗侶，也唱人間獨漉歌。

輕舟午夜泊河干，落葉聲兼雨意寒。俗薄更深知己感，家貧初覺遠遊難。吟成越客伊誰和，醉把吳鉤且自看。東髮論交天下士，定誰牛耳執鬚壇。

坐聽荒雞百感生，初心真悔誤虛名。公卿雅有緇衣好，文字慚如敝帚輕。已逼殘年翻作客，便無離思亦關情。
是程堂集

羈懷怕向人前說，只道江湖載酒行。

夜抵魏塘知頻伽將有越中之行留詩代柬

詩成多入夜，月好尚宜冬。偶啓短篷看，不禁霜意濃。星
星漁舍火，渺渺寺樓鐘。寄語故人好，清光留照懷。

十月十五夜飲黃丈退庵友漁齋歸舟過宿靈芬

館皓月霜皎，寒波鏡澈間。以烟霧橫抹，天水如
練着中咫尺，千里林木屋舍沈沈，無窮歐陽詹
有言翫月古也，當古人之境則思繼古人之辭
咸曰不可無言焉，遂各自爲章以紀此勝

選勝如選友，心得無不好。養晦與通脫，各自具襟抱。天
公識此意，故作幻境巧。豈其媚詩人，令我恣探討。今宵

正三五月出千里皎林疎晚風善雲淨碧天晶正如黃
叔度謂退庵丈澄量古今少坐我一室中不受纖芥擾如何

溪上雲盪漾出縹緲化作寒霧沈頃刻天水淼亦如賤
子醉昏昏不能了雖非南山隱或者醉鄉老

吾言太傲詭坐客必見嗤歸舟問榜人此理君或知豈
知茫昧境尚如我醉時嘔啞聽柔櫓不見岸影移長林
既深邃荒灣路亦歧仰視雲中塔尖如脫毛錐人生忌
察察耳目那不遺男兒廓清志要把浮雲披君看姮娥
笑復露窈窕姿吾言亦聊且游戲爲此詞

題郭頻伽萬梅花擁一柴門圖

鐙前笑指畫圖開不道深閨有此才我訪先生兩回過

是程堂集入

有梅花却不會來

宜秋女士題頻伽水村圖詩云深閨未識詩人宅
昨夜分明夢水村却與圖中渾不似萬梅花擁一
柴門一時傳誦幾徧鐵生
用女士詩意更作此圖

題黃丈退庵馴鹿莊圖三首

打門來訪老詩人人亦如詩總率真隔着市橋呼郭太
謂頻伽羨君結得好比鄰

刻成詩稿無餘事守住梅花過一生樂志何如仲長統

題碑要作趙邠卿

先生方築生
壙于東莊

來往門前有釣徒湖莊十畝占菰蒲今宵留得酒人住

紫蟹黃柑定不無

題汪芝亭鴛湖訪酒圖二首

出網鱸魚不值錢小樓低靠夕陽邊樵青解得主人意

有箇青帘便繫船

眞珠滴滴響糟牀曾否樽前一較量想是傾脂河水釀
未開缸面已聞香

題芝亭菴鄉釣師圖三首

我正懷漁隱君還署釣師兩家新畫幅一樣小瓜皮

飽喫雞頭菱角製成青笠綠蓑檢點松陵漁具不知若
箇詩多

生涯難忘水雲區此別君應諒我無倘遇鷺鷗相問訊
道儂蹤跡又江湖

偶然作

湖面平開三里閣市梢畧有幾家存先生擁被不親見

是程堂集八

三一

童子推篷爲我言已過蘆墟應小泊倘沽村釀一傾樽
今宵更比昨宵好月白全無水氣昏

遣睡九絕句并寄魏塘諸君

聽風聽水儂自慣步月看雲便不同料得中宵老人語
朝來又是打頭風

一念思量一故人天涯何處不比鄰人生消得幾許念
偏是鐙前記憶眞

酒邊日日憶林宗謂頻加我往江南君又東便算一年相見

了別離那說不恩慙

風流誰似張明府謂雲藻愛客樽前欸欸留清早放衙來送

我看他一僕一扁舟

收拾詩篇壓行李一門子弟歎多才眉山父子昌黎塔併入涪翁家傳來

黃丈退庵子霽青思未及其婿芝亭皆一時才雋酒間各辱贈詩

郭郎郭郎太郎當病向縣中求藥方長公親見子由瘦爲爾十日滯行裝

視丹叔病時頗伽越中之行亦未即發

瀕行更展玉雅義寫出林塘水一涯寒色村墟微露瓦

荒灣蘆荻漫飛花

作夜泛圖留別諸君即解纜矣

小閣藥烟簾外鐙癡兒病婦可憐生終年笑我山中住厭了山居又遠行

挾瑟吹竽漫爾爲通賓誰是鄭當時狂歌忽動大魚聽心事終輸寒雁知

月夜登虎阜

三九十一

是程堂集八

四

山寺近黃昏未關松下門月橫孤塔影風掃舊苔痕儘有清寒意而無歌吹喧歸舟候僮僕吟罷一傾樽

奔牛道中

大船小船一橋阻洪流木簾當面衝舟師爭險插篙入如箭脫箬鳥出籠前船未離後船壓篙急雨點爭打篷何人故作水軍戲令我心悸猶忡忡排空雅陣亦鼓翼作勢助我張軍容水風落葉浩呼洶銅鉦尚挂斜陽紅

金山

憑闌孤立勢嶙峋大地閒看轉法輪底柱欲迴三峽水諸天冷笑六朝人嘈呖鐘鼓聲相答拜舞魚龍氣亦馴向晚寒潮江上落還從絕頂攬星辰

江行

白沙鬻潮痕平展縠紋細中漚水竹區茅屋相附離古
柳風蕭蕭吹我短衣袂意態寒不舒柔條亂無次葭葦
餘秋聲洲渚出遠勢我懷憺無豫目極鴈迢遞帆低入
烟暝雲闊與波際却望戴公山舵尾擁高髻

舟中望攝山

白雲迎到十里外黃葉疎於三日前昨夜江風吹夢醒
一峰如織立船邊

經三山下

南人使船如走馬浪激船爭不相下一磯一東江水旋
怒擁盤渦不敢瀉奔騰萬馬趨江皋中有一石十丈高

言字九

吳程堂集八

五

離立江口絕倚傍氣盛欲奪天吳驕盤空俊鶻立峰頂
那便笑我輕鴻毛舟師同聲叫邪許又見緣江一峰阻
問名怕說覆舟山計程尚隔然犀浦天公此時殊不情
波濤亦作山崢嶸鄰舟失勢轉山脚山風逼住不得行
我舟對面不相覲江雲漫漫霧四塞但覺船與山低昂
力爭始脫蛟龍國此山鼎峙江之東咫尺萬里千艖幢
勢連北固通脉絡天爲建業開金墉時平天險不須設
何苦南北當其衝君不見漁舟安穩小如葉風力無權
浪中貼

抵金陵泊龍江關下作

東南天塹劃江開潮打蚶蜆磯下回獨客正隨新鴈到

片帆飛渡夕陽來
笙歌舊院迷殘夢
花月南朝生古哀
我似隴西狂李白
題詩先上鳳皇臺

夜宿江上夢梅史却寄

中宵飛夢渡桑乾
欸語溫存一剎間
別後文章都未見
年來哀樂劇相關
幾行書札雲邊鴈
千疊愁心江上山
何似此身常入夢
任風吹去復吹還

雨花臺

古道問長干
高臺擁百盤
江空千里近
風濶一城寒
佞佛乃成俗
捨身良可歎
還留花雨跡
寂寞此憑闌

小西湖題壁卽贈熊晴欄

別墅風流仰謝公

園爲廉村中丞蔗泉觀察別第晴欄則觀察子也

我來小住不怱怱

吳樞堂集八

六

名仍西子湖邊舊
客與南皮會裏同
月轉竹梢殘夜白
水搖塔影一燈紅
卸裝雅愛鷺羣閣
曾說橫波住此中
經桃葉渡泛舟入
青溪

紅板橋西打槳回
一溪一曲好樓臺
年年流水東流去
只有斜陽問渡來

舊院

樽前抵死唱黃雞
催得啼烏盡日啼
冶柳長條牽白下
板橋流水咽青溪

登燕子磯

參差雉堞隱蟠龍
山色周遭護百重
地勢憑陵天塹水
江聲激盪寺樓鐘
翩翩野鶴頻招手
莽莽層雲欲盪胸

第一江東更誰是然犀人往悵難逢

登永濟寺觀音閣

眼界空江拓鐘樓絕壁銜天風搖鐵鎖花雨濕經函梵
唄雲中苔金容劫外剝欲隨飛鳥度磴道插杉杉

陳桂堂伊墨卿兩太守熊夢庵禮部王某畦舒鐵

雲兩孝廉同集劉荅峯觀察寒碧莊某畦作圖
諸公皆有詩墨卿太守爲道十二峰之勝出圖

屬題

芙蓉瘦蠹寒碧莊烟鬟婀娜青繞廊洞庭奇峰七十二
割取十二亦不易靈威丈人求禹書移山亦效愚公愚
當年此石親奪得想見主人有奇癖主人既能役五丁

五丁

是程堂集八

七

石氣乃感天上星聯珠忽報五星聚此石有靈亦奇遇
我今展圖六一堂眼底突兀生奇礪坐中五客識者四
惟舒鐵雲未相識此客此石同老蒼昨過吳門泊花步走訪王蒙
惜歸去謂某畦會須更賦石請客去訪主人兼拜石

出塞篇贈蒲快亭進士

君不見曹景宗笳鼓聲中拈競病獨騎快馬如追風高
歌擊鐙氣豪逸坐令沈約難爲工丈夫慷慨負奇骨那
得不如廝養卒讀書擊劒吾未成眼看蒲髯亦豪傑昔
年詞賦誇長楊親藩亦愛狂生狂橐筆鄒枚成上客
講學沛獻皆賢王

聖朝不奏軍中樂萬里雄邊盡甌脫要將雅製頌

昇平木蘭先進迎

鑿曲龍旗畫捲風沙黃短後忽改書生裝洪流却度白
河澗一線直摩青石梁金錢結口五花勒整轡調鞍真
儻個雙鞵壓臂掣皂雕翻身箭入秋雲高圍場立馬色
不動十萬羽林亦神聳掀髯一笑弓擲地筆硯前呼健
兒捧秋山木落風雲開千騎萬騎關門回搖鞭兀兀唱
銅斗公卿都說蒲髯來

題石濤蘭竹畫冊

新篁澹著墨葉葉含曉風芳蘭亦多態一竿間一叢如
與幽人遇對語空山中

再題三絕句

是程堂集八

八

古洞陰森闕風雨更無人向此中來薜蘿窈窕睇山鬼
親見懸崖花亂開

頑礪空洞齧蟹螯苦竹根蟠石罅牢絕頂孤芳怕人採
山中誰爲補離騷

流雲如水壓稍重一葉一花皆倒垂此老胷中真狡獪
寫來不雨不晴時

黃山行爲張舸齋司馬作

我生不識黃山松君行却到天都峰山靈奇氣洩不得
仗君詩筆開鴻濛坐聽君語耳先熱夢入異境神能通
天梯插天闕靈府回薄一氣青冥中芒鞋竹杖相料理
世外難尋廣成子光明頂出衆星上軒轅臺高紫烟裏

胸中百怪森刺腸目所未睹走欲僵入山先裹十日糧
入山萬重高萬仞一峰才過一峰引三十六峰圍漸緊
脚底峰尖如束筭須臾忽合萬頃雲積氣盪汨如蒸饋
身從下界到天上諸天幻出無盡相旌幢寶蓋紛錯雜
芝菌蓮華各殊狀有時入雲還出雲變滅景光才一眴
一丸曉日瞳瞳開此時身上清涼臺低頭欲向五老揖
舉袂忽招天女來愁逢閻王壁下視一千尺直上平天
石罌風吹兩腋探奇不怕境險絕誰似黃山此遊客我
生好遊亦似君慙非目見徒耳聞作詩雖好只空說笑
煞山中猿鶴羣

寄里中諸子

是程堂集八

九

西湖西子勞相憶江草江花不奈何遊倦易彈懷古淚
酒醒怕聽懊儂歌曳裾笑我曾慣結客於今未敢多
歸及殘年須閉戶諸君聯襪倘相過

與墨卿太守坐月夜話

花竹頻移六曲闌月華如水不生瀾三更三點漏聲寂
一主一賓人影寒了了碧天雙鶴語漫漫赤縣老蛟蟠
荷花塘口炎黎滿忍使監門淚眼看

先生出示荷花塘詩極痛切

虛牝黃金擲易空二州六縣叫哀鴻

此僅從揚州一府言之

但求力

挽狂瀾倒不愧官如赤子窮一粒充腸那得飽萬言畫
策亦徒工河防轉運焦勞甚荒政尤當濟變通

王覺梅屬題梅花小景

孤山百本最橫斜老屋曾鄰處士家爲愛二分明月好
又從東閣看梅花

水竹蕭寒怪石欹冷吟剛在雪消時商量棊几添清供
刪却肥枝剩瘦枝

同袁壽階張子貞許亭史過平山堂訪小石上人

歸舟作此兼呈伊太守

出城野水寒意與荒率會橋橫越沙渚風急颺衣帶水
鳥三五羣顧影立湍瀨寒塘艣聲軋雪意布天外倦遊
不能豪放眼差覺快招提踞岡嶺一徑豁蒼藹長松如
列燾孤亭方扼隘中有誌公象聞是吳生畫覽古動遐
想叩門謁香界阿師舊相識迎揖已先在疎寮設茶具

是程堂集

十一

荒畦翦寒菜一飯殊殷勤未可厭麤糲歐公昔守土茲
邦有遺愛肅衣登其堂儼若鬚眉對方今淮揚民水厄
幾凋敝太守飢溺心民命實所繫上流清口淤下水高
堰壞流民不勝圖規畫匪敢懈賑災勤日夜算口發倉
廩願縮妻孥餐一蘇民力憊賤子辱公知知公亦爲最
疏築治法兼用貴得其大文靖謝與文正范所遭不異
勢扞隄衛民田皆是公屬內彼法有成效重望後來繼
他日六一堂敢祝前賢配

敬觀倪文正手書小桃源詩真蹟爲墨卿太守題

靖節亦有言猛志逸四海託辭記桃源心蹟別有在倪
公孤忠揭日月真氣都從筆間出小桃源比獨樂園憂

國危言刺心骨東林黨禍千載無蝗蝻錄復搜根株公
將一疏伸補救欲留正氣扶南都漢庭避世人亦有不
見郭泰兼申屠全身亂世心獨苦持較粟里非殊途公
爲此詩有深刺想見題成欲彈淚可憐已是申酉際婉
言聖世無可避公詩卒章云攜將琴鶴過夷門比勘温公獨樂園聖世遭逢無避理不當題是小桃源君不
見南中黃石齋北州史道鄰獨扶大義不返顧公死乃
足稱三仁胡麻一杯不敢乞轉饟倉黃已無食八策不
行吁可惜翰墨光中留毅魄

曾賓谷都轉招同趙味辛司馬

懷玉

王惕甫博士

芑孫

彭甘亭上舍

兆蓀

集題襟館卽席賦呈

金焦岌業北固雄氣勢欲挽江流東文章當代推南豐

744

是程堂集八

十一

視彼百川方朝宗十年淮海被春風卹我場竈甍疲瘵
管鑰維謹國賦充巨室比戶樂歌鐘雅歌投壺意從
容景星慶雲頌時雍刻畫萬象無纖洪立言可副德
與功賤子不文學雕蟲欲拓壯觀開心曾昨瞻京口之
三峰北趨邗溝弔隋宮大江風雪吹孤篷浩歌擊楫氣
如虹於江見深山見崇長揖乃今識我公公之客誰皆
國工平津開閣許我從青州司馬昨相逢汪然大度挹
不窮作詩旨與政事通華亭博士辯橫縱其筆與舌振
金鑪大聲直欲驚頑聾我且當之避其鋒彭侯學識含
淵冲上下千載究初終翩然白鶴翔雲中青天碧海絕
孤踪今宵官閣梅花紅圍鑪雜坐芳醕濃使君愛客表

敬恭參苓百貨貯藥籠如倬何有媿顛蒙從此御李如
登龍天風蕭蕭轉飛蓬我胡不歸逼殘冬廣筵十日留
懽悰悄如么弦奏孤桐平山堂高壓蒼穹不用鼓琴操
醉翁

梅花水仙瓶盆錯列并懸金冬心梅奚鐵生水仙

畫障壁間以爲餞歲清供

良宵月影兼鐙影滿座花光與墨光禱袂翩翩呼欲出
微波脈脈在中央渾忘是我何非幻坐對無言忽有香
邢尹夫人雙絕世伴儂清夢讀書堂

鐙下看花讀書而鐙復有影影從花生畫與影併

是一而二之也戲賦一律

是程堂集入

三

花魂不定任迷離粉墨圍屏澹澹移色卽是空申佛說
形還贈影補陶詩孤桐乍拂香溫候淺夢初圓燭上時
着眼一真諸相滅相當相對繫相思

除夕接遂安汪丈葆園書并以未刻三集詩稿見

寄訂正復附見懷詩二章書此奉荅

殘臘新春此夜兼春回絕壑與窮巖停雲望遠長相憶
老鶴聲高迥不凡著作等身新白髮江湖落魄舊青衫
居然文字蛟龍避穩送嚴陵一葉帆

卽事

喧聞簫鼓滿江城喜說新年米價平人日纔過鐙事動
雪消簷滴亦春聲

媚學

媚學慚炫世適道忌多門冥思叩津悟孤情翰乾坤笑
帝屬至理理足辭不繁陳陳古人語何必我更言登高
萬籟作斂之以聲聞試於俯仰間一驗中所存相通在
神理有觸斯爲文約之爲至精發之爲大醇山川盛藻
繪草木羅苾芬氤氳日千變匠心出更番審其所以故
秋肅春自溫萬化倘相假千載知何云

荅汪丈葆園次原韻

造化入方寸文章得先氣雜以哀樂緣如鼎和五味味
尋酸醜外英華咀六義汲古求古人吾自尚吾志道在
乃見親物聚各以類毀譽任窮達何有名與位世人競
淹博涉獵誇載記雕蟲與刻鵠輒以示高異夫文主性
情如身使指臂中無所主在四體成廢棄風雅持苦心
一再深致愴稱心以爲言君實同此意吾鄙二三子魂
魄通氣誼君摩壁壘來力足拔趙幟同時賞音孤推激
念黃魏我意欲何云不飲好人醉

題孫古雲襲伯上冢圖二首

侍從

承明祇十年一編新錄著歸田魏徵遺笏中朝重杜佑
襴衫小駟便定有丹芝生濩澤不封馬鬣象祈連角巾
東路風流甚爭看清明上冢船

何須別墅賭圍碁暫借僧樓住水湄神武挂冠君自辦

山廚炊黍我來遲
溫公舊著傳家集君將刊大父文靖公詩集康樂新
成祖德詩一品令公孫貴重紅衣肯信釣魚師

二月廿三日同頻伽訪秋白小湖于笕橋別墅冒

雨放舟至甘墩村看桃花留連信宿同作

笕橋東出修門路七八年前我曾住看花每趁他人先
買酒須尋舊遊處扶頭排日窮歡賞細雨斜風亦能往
郭侯底事渡江來有約嬉春盪雙槳城東花多春盞盞
拍岸桃花水平長沙頭寒鷺不驚人波面銀刀新出網
扁舟刺入桃花叢故人讀書於此中小橋支港開更好
一里一曲花源通風吹圓萍忽破碎落花如潮擁鷗背
林梢橫抹練影斜是桃花外皆李花推篷折花當酒籌
湔裙人去春波愁皋亭黃鶴一招手畫船散盡君應留
主人持盃客前起太息春光似流水要催鐵史賦花游
風雨張鐙草堂裏

春寒和西竹

嫩晴微雨不能兼
簾外重陰故故淹
花勒曉寒同噤瘁
詩將苦茗鬪清嚴
無膠且把深杯勸
枯坐應呼半臂添
最憶湖隄水楊柳
幾分春恨上眉尖

晏坐

孤亭斂諸相變態
各朝昏江水晴翻
壁松風響到門琴
尊起居節魚鳥性
情溫晏坐思元化
機心息灌園

池上

一夜圓萍長鄰家飛絮多忽看池面皺風送雨聲過

和內子

輕寒小閣藥烟微古製鎧繫雁足支細碾春茶同試水
新泥粉壁看題詩罨釵簾額垂垂下背月花陰漸漸移
偏是國風章句熟幾回親自課佳兒

題友人四時畫幀

結屋正當山腹裏攤書時坐鳥聲中流泉一道穿林出
小雨如絲飛落紅

流雲淅淅水羅羅溪上晚風吹薜蘿笠子帶來無用處
松陰遮住夕陽多

落木空江澹有無秋山平遠畫倪迂問君小立西風下
可有人催橘袖租

是程堂集八

一五

瓦溝風雪響爬沙送喜牆頭聒暮鴉一笑開門香逆鼻
有人家處有梅花

吾廬

一春樂事正無涯吾愛吾廬近若耶新竹移栽肥帶筍
小桃初接爛開花霜鎌雨笠將收麥篝火蘆簾好焙茶
等是幕天還席地且呼賀監作鄰家

初夏

綠陰如幄度流鶯粉蝶穿花栩栩輕蕉葉當風舒卷軸
柳枝橫水臥橋衡天清地晏此時節漁唱秧歌皆樂聲
小小禽魚閒草木畧從體物繪 昇平

官柳

官柳婆娑綠離情相與牽夕陽能作態小雨不成烟掠
水燕雙語倚樓人獨憐湖邊游騎熟相識自年年

是程堂集卷第八

是程堂集八

六

嘉和堂中成煉開
雖於真州府舍

是程堂集卷第九目錄

春陰

湖上獨遊

離江行爲沈孝廉學寬作

臧處士詩

汪節母詩

贈單華藏先生三首

遣興

題汪丈行樂小照八絕句

江樓晚眺二首

過周五松泉齋中見新作撫古長卷意甚佳君言

七九
七

是程堂集九目錄

一

能以詩易便相贈卽走筆題卷尾攜歸

送雪香之江右余亦將入都矣

華秋岳畫馬

自題小檀藥室讀書圖三首

登艤舟亭同宋仲海孝廉陳午橋同年

有事曲阿自毘陵易小舟先行獨酌遣興四首

焦山四首

瓜洲口占

秦郵舟中有懷

袁浦留別曼生聽香

魚溝

書堰頭旅店壁

下邳

自邳州抵陰平宿二首

調午橋二絕句

四絕句

河間

趙北口坐冰牀戲作

雄縣旅舍書懷五首

曉過白溝河古木平沙殊有畫意二絕句

雞鳴曲

臚唱恭紀

七五の4、

是程堂集九百錄

賜大緞二匹謝

恩恭紀

勤政殿引

見蒙

恩授庶吉士恭紀

圓明園道中

大風雨泊舟百草窪用東坡法華山韻同方稚回

明經懋朝作

稚回和余前詩疊韻奉贈

南旺小泊

還家

剡溪二首

是程堂集卷第九目錄

二十一

是程堂集九目錄

三

是程堂集卷第九

錢塘屠倬 孟昭

春陰

格格喚春禽。春山十日陰。林花經雨瘦。庭草積烟深。香散猶紫篆。聲希欲罷琴。吟朋不時過。聊復慰孤斟。

湖上獨遊

蠶子初分蟻。茶槍未展旗。山泉將竹引。僧院乞花移。正好騎黃犢。時還倒接離。人事耕鑿。

帝力有誰知。

離江行為沈孝廉學寬作

下牀動足卽萬里。嗚呼人生有如此。不能事親愧人子。

是程堂集九

蒼梧桂林鬱延。絲兒不見親。十六年兒身遊大梁。兒心

祇在離江邊。解一離江水深愁更深。滔滔江水如兒心。別

親兒年纔十三。在時騎竹馬。今已從兩驂。風塵只恐顏

面黑。夢魂縱先到對面。那相識。解二天涯骨肉誰當親。親

身兒身如一身。解三春風吹遊子。忽復成商聲。兩月承親

歡。萬里催我行。南枝啼鳥飛向北。迢迢門望南國。吁

嗟。人生安終極。淚灑麻衣乾不得。解四蕭蕭白楊悲風西

來。鵬鳥夜哭瘴雲不開。解五

臧處士詩并序

為武進處士臧君禮堂作也。君孝弟誠篤。出天性。通經史百家之言。撰著凡數百卷。嘗師事宮

詹錢先生大昕及其兄庸海內學者稱二臧云
娶婦胡初婚夕集古列女孝行爲文辭令女傭
誦說其前俾婦孰聽乃成禮居父喪三年不入
內母疾刲股雜粥糜以進乃瘳處士卒其婦爲
言如此處士勿自言也人或以刲股非古禮處
士行古之道不宜有此傳竊以咎論者之過故
卽其刲股事述之

庸行不可能純孝不可爲行其心所安孝子不自知人
各有所生日以至性漓孝子不自知終身似嬰兒方其
處變故此意更不疑但知親可活不惜肉作糜此身卽
母身毫髮詎忍虧人謂孝子愚孝子能勿悲禮亦不可
奪愚亦不敢辭痛心蹈非常此意天知之輓近禮飾僞
正以徇其私君看薄俗見終身好豐肌

是程堂集九

二

汪節母詩

并序

母姓余氏年十七歸遂安汪公某五載公卽世
又四閱月生子某節母事其姑以孝聞子亦成
立孫二人一爲縣學生一舉武鄉試曾孫八人
舉武鄉試者一爲諸生者四元孫廿一人入縣庠
者幾人來孫九人母及見四世而歿以乾隆甲
辰旌於朝嗚呼天之所以報節母者不旣厚
歟傳辱交其曾孫上彩爲忘年友上彩亦抱孫
三人矣雖爲諸生老而益困顧所著書已百餘

卷所刊詩集行世者十四卷亦足以表彰其先德而振起其後嗣已書來乞詩爲詳其顛末於篇

南山有喬木霜隕成枯薪賴有女蘿木不顛女蘿雖弱纏其根枯菱一萌天地春至今奕世孫枝繁賤子作歌請具陳曰汪氏母姓余氏適汪五年夫則死母胡不徇以義止夫死兒背生妾死死吾子有姑曰詹同撫孤撫孤孤立以報夫報夫地下上報姑母稱未亡年廿二五十八年終厥志教子力田行孝弟豈惟教子兼教孫凡以教者皆以身有孫二人文武才學書擊劔不足言各以其所長成名顯其親天報節母以壽考昏朝點頰見會元各各稟母教爲國之俊民嗚呼節母真完人乾隆闕逢執徐歲有司得之上其事

朝命下有司煌煌旌其門嗚呼節母真完人君不見節母不死汪氏存

贈單華藏先生三首

多病常辭客全家自樂飢觀空宜老眼高臥咎清時避俗衣冠嬾忘情草木知比來聞入道刪盡早年詩絕業空前後論交折輩行尚容牀下拜未是古之狂秋老知身健譚深欲坐忘從公參底語日月不曾忙

聞道山庵住昏朝只閉門我生公已老俗薄道偏尊一昔風流在而今笑語溫百年僧臘古太息爲重論

余近所居

拂塵庵先生曾讀書于此已四十年矣爲余語庵中二高僧事甚詳

遣興

百事都慵但舉杯。短廊閒步兩三回。池傾硯墨魚爭咬。几供瓶花蝶自來。小爾雅方疏草木古。尊彝不辨雲雷。偶然書畫從人乞。踏破門前一寸苔。

題汪丈行樂小照八絕句

禪榻鬢絲斜瓦。鉞蚓聲作倚給調。水符先要立僮約。孤桐無繁響冷然。在空山。尤愛蕭思話相賞。松石間長歌漁父詞去。訪元真子天地一竿寬。浩盪烟波裏萬事託杯鐺。一身亦糟粕屠酤中。無人酒徒久寂寞。服食換精髓不如餌羊珠。道逢玉女笑手拋鴉嘴鋤。

吳程堂集九

四

白公雖老去情尚不能忘。賭畫旗亭壁年來我亦狂。老翁若寒鷺臥冷沙上月。蘆荻漫飛花吹來滿頭髮。華月忽已上好風吹滿懷。據梧吟未歇涼透青棕鞋。

江樓晚眺二首

空江動遠愁。壯士不宜秋。沙迴添寒色。帆飛泝急流。角巾翻酒漉。短褐向人羞。未許忘身世。何堪羨海鷗。仰面蒼鷹疾。軒眉落葉飛。海天生遠想。人事息初機。闌檻憑虛倚。峰巒入座圍。夕陽殊未落。酣飲且忘歸。

過周五松泉齋中見新作撫古長卷意甚佳君言

能以詩易便相贈卽走筆題卷尾攜歸

我畫師心不師古偶弄筆墨都不工。鞵材束筍委巾筓。

甘受人罵真疎慵吾儕能事擅周五造境不復他人同
鑪錘鼓鑄意象外紙墨排闥烟雲中知君耽此心獨苦
曾向倪黃闢門戶科頭踞坐信手揮短幅長箋任人取
虛堂無人灑秋雨薜荔牆高立一堵我來突兀見此卷
一峰巒入奇古高山連綿鬱深森林深山高日易沈
不愁觀者太錯愕直令險處難追尋路迴詰屈夾兩澗
直上青冥逼雲棧幾家茅屋對松門屋角山花小紅綻
遠烟忽破露別村村口寒潮直到門平橋架木高幾尺
崩岸似齧寒沙痕連山周遭石戴土面執欲折江流奔
要將骨力苦撐拄離立獨樹蟠孤根此時意境不可擬
浩浩天風吹滿紙經營更到無墨處白者是雲空是水
乞君此畫償以詩我詩君畫誰當知臥遊一月尚不足
狂吟喚醒梅沙彌

是程堂集九

五

送雪香之江右余亦將入都矣

送君不易留君難蕭蕭北風行李單君游江右我日下
君行張帆我秣馬人生豈合老鄉里憂患方從出門始
兩人話別同此愁爲君當筵解吳鉤荒雞膠膠夜過五
起舞尊前一搔首回看我子君弟子却立依依起行酒

華秋岳畫馬

五馬侗儻矜顧視虛廊蹴踏風動紙房星夜出光四射
却照壁間圖畫裏肉眼不識真乘黃乃讓畫師工擅場
我方病瘦眼眶怯敢與此馬爭昂藏攢蹠屹立如山峻

骨聳筋高鬪神駿，驕嘶挽頸知。羣亦如我輩，憐才雋。
長風蕭蕭木葉脫，一點蒼鷹草頭沒。健兒身手那得騁，
薄髀淺髀氣先竭。君藏此馬能通神，神物不合長湮淪。
我今北去歷燕趙，安得借爾一踏東華塵。

自題小檀藥室讀書圖三首

辛酉歲之春僧廬此焉，僦枕山而跨城，愛此竹林茂，讀
書以永夕。讀書以永晝，世故了不知。經史深莫究，江雲
穿臥榻。山花滿巖岫，風月識眞吾。猿鳥成故舊，六年二
千日。曾不記時候，心緣學道清。人坐作詩瘦。

故人來更去，故人去復來。住于無所住，與我相徘徊。或
當終其身，養此樗不材。不然爲霧豹，南山隱崔巍。我愚
既無似，出處兩不猜。把酒酌故人，廟廊正需才。

是程堂集九

六

疚心匪一事，何止不讀書。讀書尚可補躬行，愧吾儒春
風吹我室。草木爲昭蘇，廓然洞達曾俯仰。以自娛，寶蓮
峰頭石青青。簇芙蓉，正對我窗牖。丹碧紛可圖，圖有所
未竟。前江後西湖，更當住十年。一手自摹。

登艤舟亭同宋仲海孝廉陳午橋同年

出門已十日，轉柁不千里。五兩欺逆風，百丈牽上水。晚
泊艤舟亭，羈愁觸遊子。散步水竹區，林深夕陽紫。蘇公
此遺跡，感興亦寓耳。嘯歌詎擇地名，在公不死公死我。
更來相視一稊米，逆旅天地間。勞苦誰作使，早歲壯遊
歷。交結湖海士，身賤道不尊。所挾惟故紙，身命困磨蝎。

遷轉同蟻徙常懷濟世具空抱懷居耻歸舟且僵臥夜
半呼起起得酒聊自寬沈憂未云已

有事曲阿自毘陵易小舟先行獨酌遣興四首

遵塗歷遠郊落日挂亭墩

爲糧艘所阻舟不得進
步行五六里始得小艇

水涸河見

底一線走渾溜招招呼涉屺篷小如鑿竇所望輕且駛
昨阻今乃又岸高看壁立橋仄驚偃仆櫛比千百舟未
敢奪先後糧艘銜尾接稍逼已遭詬同是失水鱗一笑
拚宿留

銜昏酒亦寒停杯一逡巡榮瘁匪我迫飢寒與之鄰身
世寡所諧魂夢乃獨親險巇屢嘗試此身父母身眷言
念高堂洗腆知何人

三九

是程堂集九

七

五十有負薪四十有牧豕我年未三十纔勝負米耳胡
爲事遠遊輕去其鄉里峩冠與深衣談笑稱下士國
家典禮崇科舉矜學子上計我與偕方抱干祿耻君子
重信道尋尺羞枉己利祿自有階出處慎厥始幾見塞
翁馬得失膺悲喜

韓非著說難厥身乃不免豈伊行之難言者固已淺仁
義世所迂禍福我能轉窺測人主意縱橫肆雄辯挾術
雖多方明哲蓋已鮮問以義利途茫昧先不辨非也蹈
孤憤儀秦歷尊顯幸與不幸間易地更相踐吾將火其
書結舌示吃蹇

焦山四首

姓氏青山重江流不敢爭百年蝸舍小一握海雲平草
木春前氣魚龍物外情何人共棲隱浩盪託鷗盟

鐘聲棲定鳥佛座戴靈鼈僧狎波濤險松爭日月高鼎
銘看剝蝕碣薜費爬搔桑下遲三宿安禪未是逃

拓窗江四面何處著纖塵智慧參猿鶴風雲護鬼神青
蒼浮大地孤峭失比鄰一笑東流急真空住世因

天地容平視峰巒此獨登簷鈴駟怖鴿粥板聚歸僧洞
濕雲流乳風危屋架藤一龕團樹色清梵出高層

瓜洲口占

江流卅里近蕪城飽曳風帆自在行却好帆收風亦住
半灘急雨點篙聲

是程堂集九

秦郵舟中有懷

荒郵水宿逼殘更甓社湖高兩岸平鐙火暫依漁戶泊
風波屢似雁奴驚老人白髮鄉園健游子青衫涕淚輕
愁思正如霜後草一回芟却一回生

袁浦留別曼生聽香

握手千里外脂車又北行風高寒雁警月白大河橫蟻
磨空陳迹鷗鄉有舊盟酒悲成跌宕離思慰初程

魚溝

驛壁弓刀黯欲愁車箱僵臥過魚溝幾株髡柳旗亭外
鞭影如絲月一鉤

書堰頭旅店壁

逼人霜氣太侵凌狐帽貂裘總不勝歲暮流亡偏道路
客邊光景劇飛騰曉行畏盜常聯騎野渡無舟慣踏冰
鈴馱聲隨鐙影去風沙吹得髮鬅鬢

下邳

劉季原亡命陳王亦夥頤英雄都混迹將相獨乘時
下悲歌急關中仗劍隨可憐千載下失鹿罪高斯

自邳州抵陰平宿二首

孤城迢遞接通津帽影鞭絲拂暗塵自入秋來無一雨
算離家後已三旬漸漸野水呼官渡鼎鼎殘年話旅人
七尺頑軀雙轂轉出門辛苦等勞薪

茅柴酒劣喚頻添瓦銚烹茶似漉鹽不減一鐙依土壁

是程堂集九

九

無多殘月上蘆簾人情樸野寧嫌陋書劍飄零尚戒嚴
差喜朝來風日美馬頭青露遠山尖

調午橋二絕句

樂府歌成有所思旅人心事一鐙知高吟驚起陳郎夢
月白霜寒雁過時

杜陵野老邨州月兒女關心亦可憐只恐閨中有同夢
風吹不到嶧山邊

四絕句

一曲歌傳秋士恨四條絃寫女兒心相逢總似搏沙雁
何處風塵覓賞音

天寒小病怯深杯畫壁旗亭總費才未到銷魂已惆悵

多生何苦帶情來

檀槽宛轉當心畫翠鈿分明掠鬢斜門外北風吹馬耳
驚心撲面是霜花

歌聲不敵馬嘶驕曲罷當筵未寂寥待借殘杯澆壘塊
酒醒時節更無膠

河間

銅駝已沒日華宮礪角殘碑問牧童自昔賢王求治急
至今姦女數錢工西風落葉房淵赤野戍荒屯細柳空
欲訪陽城高隱處中條山冷夕陽中

趙北口坐冰牀戲作

直沽水凍河無聲七十二淀波濤平元冰腹堅厚百尺

是程堂集九

一

中有鼈足交撐撐寒芒四射肌骨清眩奪銀海搖光晶
龍宮寶藏掩不得障以百幅琉璃屏居人踏冰如踏地
坐我方牀恣游戲河上無勞杭葦吟天邊忽到乘槎使
甬中冰雪吐光怪水國羣靈亦趨避雙輪轉轂刺長篙
不車不舟總如意須臾兩脅天風招衣輕似挾鮫人綃
宓妃羅襪恍來去琴高赤鯉爭遊遨長橋連蜷跨十里
一十二洞皆通潮環瀛浩淼望不極只有珠光貝氣搏
青霄平生涉險嗟動魄此際方將笑河伯眼前利涉通
津梁偏向海鷗分片席只愁躍入冰壺中更與蛟龍爭
窟宅仰看析木動星辰萬里寥寥天一碧

雄縣旅舍書懷五首

平沙得得馬蹄閒指顧燕南趙北間喜聽村氓太平鼓
西風吹滿大雄關

笑負頭顱廿七年旅懷差覺壯遊偏太行佳氣來天上
北斗寒芒近日邊

崢嶸時節客邊催鄉思曹騰入夢來夢薦辛盤介春酒
全家笑口爲親開

六十老人今抱孫貧家猶足具雞豚青紅兒女鐙前說
一月前頭我出門

塵釜熟抄新脫粟瓦盆生漉凍殘菹算來未負將軍腹
歲暮窮檐尚不如

曉過白溝河古木平沙殊有畫意二絕句

是程堂集元

二二

古木寒鴉聚遠洲畫圖誰仿李營邱更添行旅蒼茫色
殘夢初醒過白溝

平沙莽蒼兼天遠病柳槎枒倒地僵一點曉星空際白
最難著筆是烟光

雞鳴曲

雞初鳴夜方半行人起出門看夢如雲忽吹散月在天
河拍岸雞再鳴出茅屋車遙遙往而復夢如雲斷復續
月西斜河水落驚風兮吹衣僕夫兮涕洟鼓胡隴兮作
馬語髮如蓬兮亂飛嗟行人兮在途迫歲暮而安歸遵
皇路之坦坦膏吾車兮載馳四馬蕭蕭明星漸高曉夢
兮無迹晨雞兮三號

臚唱恭紀

太史祥書五色雲鈞韶親切九霄聞于今薄海咸歸
德稽古中天總右文小草倍殷葵藿志閒鷗許傍鳳鸞
羣鴻臚高唱朝儀肅

玉座遙瞻寶扇分

賜大緞二匹謝

恩恭紀

舞蹈趨聯佩

恩榮等賜緋尚方將束帛

天子正垂衣華袞他年補青氈舊業微倘容歸戲綵歡

喜報庭闈

是程堂集九

勤政殿引

見蒙

恩授庶吉士恭紀

萬壽山高曙色分

九重閭闔對松雲親從釋褐簪毫始仰見

宵衣旰食勤 殿角星芒垂正色 禁中花氣散南薰

書生獨荷

殊恩沛萬卷容窺祕閣芸

圓明園道中

新晴送喜到宮鴉 輦道無聲碾碧沙官柳青遮玉河
水脚雲低覆 苑牆花地從首善開風氣職在中和驗

物華暘雨况占時若候都人沿路話桑麻

大風雨舟泊百草窪用東坡法華山韻同方稚回

明經懋朝作

逆流曉入山左界直瀉洪河挾諸派牽船上水鷁退飛
却羨來船挂帆快滿天風濶雲勢重水立如山鬪澎湃
官塘土厚一丈高力束奔瀧爭扼隘倉皇繫纜古柳根
溜雨空腔半株壞檣竿岌岌震霆繞電掣癡雲吐光怪
篷窗檢點書篋濕那得船頭夕陽曬瘴颺捲地四面來
岸草紛披如拔薤今宵差喜枕簟涼一洗煩蒸破天械
滿身熱拂無一箇匹若爬搔祛癬疥榜人瑟縮水禽似
雨立雛雛羽毛鍛併將清景入歸夢火急挑燈了詩債

是程堂集九

三

稚回和余前詩疊韻奉贈

篷窗坐守如劃界

君與余各坐一舟

苦築詩城爭別派詰朝相見

更摩壘落筆鋒銛截犀快此時但愁風雨驚入耳尚詫
波濤湃未經七十二閘險排日嚴程先奪隘天公有意
張吾軍作陣頽雲忽崩壞直教行氣吐長虹未免刺腸
森百怪舟行竟日晚始晴列燾高張布帆曬雄詞漫塞
口懸河醉墨且看書倒薤羨君捷足驟飛鞚愧我白戰
無寸械却憎暑雨太蒸淫瘳膚蚊蠅似攢疥詩成未敢
便輕敵飲羽驚禽翮先鍛策勲飲至讓君先已分尋常
添酒債

南旺小泊

船舫捎葦葉水次冒荷花暑雨黃梅過湖風白鳥斜野
塘喧吠蛤古廟聚靈鴉亦有江南意沿隄響釣車

還家

承歡進康爵送喜鬧比鄰此日還家日終身報

人身丹鉛餘事業毛羽惜風塵且蠟登山屐招呼舊酒

剡溪二首

昨登會稽山今弄剡溪水溪水十丈深毛髮清見底輕
帆挂西風薄暮卸行李霜清楓葉變雨過巖壑洗猿啼
送歸樵鳥語逐遊子茅屋三兩家丹崖白雲裏耕漁得
吾宗二百年居此豈惟林巒奇頗愛風俗美族多情曷

五九十九

是程堂集九

十四

疎身賤家屢徙所須辨雞豚明日召鄰里

瀑流上下巖谿雲與之合樵歌東西嶺風吹互相答蘇
青石氣滋門掩蘿翠匝寒姿媚孤松遠勢撐紺塔茅堂
正環溪跡與麋鹿雜兒童拾橡歸落葉荒徑踏淹留只
旬日曾不暖臥榻離懷眷幽棲辜負雙屐蠟

是程堂集卷第九

嘉慶甲戌秋開
雕於真州官舍

是程堂集卷第十目錄

吳伯野員外招陪顧南雅師張船山鮑雙湖陳碩士姚薦青諸前輩吳蘭雪博士看白桃花卽題

黃穀原所作桃花書屋圖後

題畫冊贈馬秋藥太常五首

爲歐陽梅龕農部作畫題二絕句

瓶供芍藥四絕句

劉芙初編修招同樂蓮裳孝廉鈞沈文起孝廉欽

韓董琴南編修國華賀耦庚編修長嶺陳春帆

二尹裕朱頌清孝廉芬集尺五莊卽送蓮裳文

起頌清下第南還二首

是程堂集十目錄

雨中過錢衍石農部儀吉有贈

聞蟬和衍石

晚香玉

六月六日劉醇甫偕過錢衍石寓園吳蘭雪季芸

甫繼至同集澄觀水榭

十四日梧門前輩蘭雪國博芙初琴南霽青二太

史同集雙藤老屋戴金溪前輩繼至復偕過衍

石寓園看雨薄暮始散金溪衍石霽青還過余

飲入夜雨甚客不能出余驟病臥不知三君冒

雨歸更作何狀也諸君皆有詩余作長歌紀之

六月望後紫藤復作花

法梧門學士屬畫玉延秋館圖并題

梧門前輩以詩招集悅公文室看荷花且先索和

章依韻奉答

少司馬秦小峴先生從俾所見梧門前輩招看荷

花詩而不及秦先生因賦長歌盛稱蓉湖荷花

之勝以相誇錄以見示輒依韻奉和

雨中奉東太常少卿馬秋藥先生三首

爲少宰潘芝軒先生題畫六首

題湯雨生騎尉秋江罷釣圖

自題雙藤老屋圖

二絕句

是程叢書十目錄

二

余偶作九絕句旋棄其藁他日憶之不得衍石爲

余誦其二終失其七遂亟錄前二首存之更戲

書一絕于後

寄小檀藥室諸子三首

題盧秋槎戶部尊甫思亭先生雅谿述德圖

題梧門學士移竹卷

耦庚屬畫湘夢圖二首

吳蘭雪國博屬汪澣雲儀部梅鼎作蓮花博士圖

并繪其姬人綠春小影于上戲題二絕

校讀梧門先生所輯朋舊及見錄畢卽題詩龕圖

後

復園板橋落成詩畫冊二首

論詩三昧九絕句和翁覃溪先生

董文恪公篆書座右銘墨蹟富春相國師命題

覃溪先生曩爲季子星原締姻李氏其秋盆荷作

花皆並蒂吳鑑庵前輩爲作圖先生作詩詠之

卽次元韻題卷後

題李白裘馬換酒圖

同劉芙初董琴南朱勳楣謝向亭周稚圭賀耦庚

錢衍石集客居所居堂分賦食品得韭芽

洪忠宣公祠堂古柏圖介亭前輩屬題

謝向亭編修寓居僧舍過訪有贈

是程堂集十目錄

三

集蘇米齋覃溪先生出示手摹華山廟碑凡三本

雲臺先生復出新刻四明本相校賦呈兩先生

周叔匠爵歌爲少司空陳先生作

朱茱堂兵部爲弼屬題月潭八景

柳隄鳴鶯

松石晴嵐

釣臺烟雨

石門飛瀑

澄潭映月

南屏疊翠

西山晚烟

玉峰積雪

題樂志圖

題覃溪先生所藏東坡天際烏雲詩墨蹟

十三日雪和衍石

耦庚索和詩甚急雪夜走筆戲柬并呈芙初

雪霽陪顧南雅先生洪介亭前輩謝向亭同年登

陶然亭呈顧先生

三十初度自訟

富春相國師以石谷麓臺山水二幀贈行賦此誌

謝

趙北口

七
夕
廿
八

是程堂集十目錄

再過泰安謁岱廟

四

是程堂集卷第十目錄

是程堂集卷第十

錢塘屠倬孟昭

吳伯野員外招陪顧南雅師張船山鮑雙湖陳碩
士姚廌青諸前輩吳蘭雪博士看白桃花卽題
黃穀原所作桃花書屋圖後

詩人眼饞例好色入春况有東風媒鄰牆已被紅杏笑
露井忽報山桃開城東吳侯小園裏一株照眼明瓊瑰
蟠根大可壓仙李冷艷未許誇江梅花開却當二月尾
春陰漫空薄于紙薊門風色寒未消暖意先回入花蕊
穿簾溟濛吹雨絲主人未覺流鶯知全身要在隔院見
冷雲十丈光迷離樹一本四幹皆中柱材高
蔽三間屋在海岱門外心疑玉環太癡肥

是程堂集一

一

珊珊其來是耶非尊前奏曲彩霞落枝頭撲蝶仙裙飛
江南黃生好風格曾向花間圖主客眼前花發自年年
笑指圖中真歷歷紅酒醺花滿席照映瓊枝十分白
新聲只合付歌郎花外茫茫古愁積

題畫冊贈馬秋藥太常五首

頽峰巽岸抱溪長滿地松花草屨香漫笑意行無伴侶
蒼髯都是丈人行

沙痕千疊晚霞紫江影一奩寒鏡圓正好挂帆歸去穩
酒瓶攜在櫂頭船

前林雨意欲消時剩有流雲罨樹枝潑眼赭黃山色活
晚晴天氣夕陽遲

荒亭人倚一枝筇峭壁風吹五粒松雨過白雲都散盡
隔江青透兩三峰

寒林早有棲鴉集曲徑曾無蠟屐痕想見詩人貪擁被
雪深尺許不開門

爲歐陽梅龕農部作畫題二絕句

水鳥衝寒破夕烟滿空虛籟出松顛垂竿我自沿流去
釣得溪頭縮項鱸

暮烟橫截亂山平手拓篷窗挂席行孤月倒翻江水碧
十分圓處在空明

瓶供芍藥四絕句

尚留花事一逡巡病起看花已過春俗吏未成仙吏謫

言字

是程堂集十

二

半年中許作閒人

繁枝和雨剪來濃幾簇晴霞壓擔紅催放不須搗羯鼓
沃湯先浸膽瓶銅

城南雨露足豐臺絕艷驚從市上開不信園丁減聲價
肩挑菜把一齊來

風搖四壁更參差說到將離定幾時量取腰圍約金帶
本來不稱瘦腰支

劉芙初編修招同樂蓮裳孝廉鈞沈文起孝廉欽

韓董琴南編修國華賀耦庚編修長齡陳春帆

二尹榕朱頌清孝廉芬集尺五莊卽送蓮裳文

起頌清下第南還二首

草色郊扉暗林陰客騎涼籬疎通野水亭小蓋垂楊拓
勢餘空濶當歌寄慨慷幾人羈旅感相對酒壚旁

無風莎徑輒過雨麥苗勻舊句重開卷

是日蓮裳爲余重錄
丙寅年過小檀藥室

留別詩于
讀書圖後

新愁暗逼人忽忽惜高會渺渺度殘春檻外踈

泔水蛟龍不易馴

雨中過錢衍石農部

儀吉有贈

園借樹爲屋雨隨車到門性情各疎放俯仰幾思存詩
不令人薄交宜古處敦相於亦聊且未要設琴尊

聞蟬和衍石

急雨聚繁響一涼收動機葉輕能自翳聲遠若爲依風
露忘飢渴兒童有是非無端驚客子感激爾生微

是程堂集一

三

晚香玉

斲冰翦水兩三莖暑雨簾櫳晚更清芳訊纏綿通夜合
翹枝矜寵壓秋英階前雜草亭亭出扇底招涼的的明
素柰玉簪俱謝却此香郁烈此風情

六月六日劉醇甫偕過錢衍石寓園吳蘭雪李芸

甫繼至同集澄觀水榭

衆綠裏一亭不雨衣亦濕藤陰切階移蟬噪闖簾入謝
客却過君避暑此可集不來氣相召來則踵相接今年
天較熱衣履困羈縻浸淫暑雨多髮垢蒸汗汁客居屋
苦小近市門屢闔幸有同巷鄰疎放與我習錢亦客于
人假館不待葺竹樹對蕭灑檻周戢香招涼據梧吟

讀畫環几立移尊就嘉蔭密若蟬翳葉此時身境恬倍
覺心氣攝浮雲一翕張落日威已戢圍居夏亦秋此意
醇甫得語妙可入詩君棄我收拾況有吳與李嘲戲紛
拉雜茶瓜急呼將僮僕固已狎稍稍夕陰斂簷際花未
合庭中有馬櫻花
一株即夜合也那便遽歸去兩脚塵土插

十四日梧門前輩蘭雪國博芙初琴南霽青三太
史同集雙藤老屋戴金溪前輩繼至復偕過衍
石寓園看雨薄暮始散金溪衍石霽青還過余
飲入夜雨甚客不能出余驟病臥不知三君冒
雨歸更作何狀也諸君皆有詩余作長歌紀之

驚飈檐檐透織絡藤陰張帷坐深碧行觴話雨呼促席

是程堂集一

四

勝事能兼況佳客赫曦潛消九衢滌急點排窗箭鳴鏞
雷霆一聲住簷簷滴停杯起立當戶看屋角陰晴迷咫尺
坐間屋漏雨打頭小僮雨立嗟欲愁入門翩然來戴侯
衆賓逡巡爲少留故應天意解娛客雌霓下交雲上浮
雲中日影穿隙隙流景光變滅爭一晌雨止旋作何時休
對門錢郎居最近園亭水木饒清幽是中宜夏宜雨遊
衝泥急往刺不投淋漓衣履各沾濕軒楹簸盪如輕舟
梧門先生詩律細命我作圖錢作記平池決溜鬱波濤
老樹呼風助聲勢磴邊苔漬泥滑澆波面橋低石凌厲
蓮花博士恣游戲兀立孤亭我心悸晚來客散天未霽
客留者三去者四張鐙不覺夜氣沈作病先容主人睡

冥心不敵萬象囂，百日愁臥一日豪。睢盱百怪刺腸肚，
心疑臥榻藏螭蛟。人生那得長無聊，諸公同此心目搖。
踏波出門車轂漂，怪哉我病睡不穩。夢中行雨翻天瓢，
六月望後紫藤復作花。

繁英麗毅已成烟，翠實離離壓架偏。剩放數花禁暑雨，
却無人看得人憐。

法梧門學士屬畫玉延秋館圖并題

西風除架豆葉乾，厨爨洗手傳食單。大官肉臭喫不得，
先生一笑呼園官。幾區薯蕷親手種，宦隱卅年曾抱甕。
春泥雨足秋實肥，菜把不勞排日送。東坡有兒能作羹，
蘇家風味歸先生。咄嗟可辦亦豪舉，自公退食宜杯鐺。

是程堂集十

五一

空山橡栗拾幾箇，從古詩人總寒餓。長鑱手劚黃獨苗，
仙人服食亦苦勞。不如先生甘淡泊，月進一盤供大嚼。
稱山藥為月一盤見蜀孟昶事有時治具先名客，此味我曾同領畧。玉延館

開積水潭先生詩句題詩龕作圖，我愧沈啟南故事。且
說吳匏庵。吳匏庵有玉延亭石田翁作圖

梧門前輩以詩招集悅公文室看荷花且先索和

章依韻奉答

看花未果先作詩，眼底正愁詩境少。讀先生詩如看花，
花雖未看得詩早。勝遊雅許入蓮社，設酒倘須謀長老。
靜觀我自超色相，不語花應轉煩惱。清池欄檻裝七寶，
花底眠鷗藉葑草。團茶好滴荷露烹，溽暑先憑水風埽。

此時想到西子湖圓蓋亭亭搖翠葆亂翻白雨散魚苗
已出黃梅喚知了湖心亭邊萬花繞伊軋艣枝衝水鳥
風裳搖曳苕帶牽水調玲瓏柳絲嫋蘇隄白隄尋酒家
漁兄漁弟約鄰保客中持彼相較量兩地清遊定誰好
吳人自笑作吳語幾向長安作幽討詩成究竟未看花
努力明朝眼雙飽

少司馬秦小峴先生從

俾

所見梧門前輩招看荷

花詩而不及秦先生因賦長歌盛稱蓉湖荷花
之勝以相誇錄以見示輒依韻奉和

爲花作主梧門叟兼爲徵詩覓詩友狂歌驚動蓉湖公
歌罷尊前一搔首蓉湖百里皆水鄉蓉湖湖上多漁莊
芙蓉花紅湖水綠倒浸九龍山色蒼蒼生滿眼皆赤子
那許看花歸故里先生搔手向我言有花不看如湖水
鬢毛已白宦已成可惜久寒鷗鷺盟梧門作官不作客
比我却少思鄉情湖邊舊築藏書藪荷葉荷花無不有
行將歸去看荷花一句詩成一呼酒此時涼意生纖羅
快哉公語如翻波公詩公語兩可記明日併向花前歌

雨中奉柬太常少卿馬秋藥先生三首

未見秋藥翁詩境滿天地既見秋藥翁詩理通寤寐一
見再見之詩轉無一字不如不見翁獨坐領此意翁復
有時來來亦不談詩我更稍稍去去亦無定時三日不
見翁翁則繫我思思翁忽得句而我不自知

我思翁不知我至翁則喜三伏三旬雨僵臥勿能起雨
止我定來奈何雨不止乘車如乘舟濁浪沒馬耳翁今
住斜街去此不三里明日倘更雨我亦終往矣

翁闢有似園有竹復有花竹活正喜雨零落花可嗟比
鄰宋祁居花多任披斜前日偕翁去花前鬪新茶落落
陳孟公瀟灑如餐霞喜翁說游俠傾耳聽不諱二君皆
天才雄談浩無涯會當冒雨訪同來過翁家

謂宋芷灣陳恭甫兩前輩

爲少宰潘芝軒先生題畫六首

野客忘機候春山淺笑初禽聲能輒美柳意不蕭疎葦
短藏花鴨潮平上鯉魚絲綸方待試商畧到樵漁

山雨泉聲活溪風酒力降薜蘿窺窈窕琴筑寫琤琮此

是程堂集下

七

外空塵土無人采芷汀因之勞遠想朱鳥閉文窗

晚鐘吹不落雲木寺樓藏天際龍吟遠風前鶴影涼溪
山筇竹領身世古松忘未許懷招隱相期定裹糧

村落成脩遠風雲入汗漫板橋支石穩茅屋補蘿寒過
雨琴絃潤黏衣竹粉乾烟霞當戶牖手版拄來看

黯黯夕陽沈蕭蕭野竹侵蓴鱸季鷹想邱壑幼輿心秋
水落孤艇霜風吹斷砧晚來亭子上幽夢碧雲深

峰峭留雲護溪平貢石奇風亭人斂袖暖樹雀爭枝獨
坐搔元鬢長歌和紫芝好山應有待高臥蒼清時

題湯雨生騎尉秋江罷釣圖

風波瀕洞已前塵烟水模糊怕問津一笑絲綸還在手

可憐竿木又隨身吞舟肯放蛟龍橫結伴難忘鷗鷺親
不見信天翁一箇潮回獨立大江濱

自題雙藤老屋圖 并序

戊辰冬 倬 重來京師所居有古藤二蟠根交枝

奇崛偃蹇百年物也而 倬 居此乃不一年所幸

一看花幾作詩數置酒會客于此吟賞既倦亦

幾與此藤相忘已已秋冬之交 倬 將去之聊濡

筆圖其跡更繫一詩京師諸同好時時過此居

者庶幾一屬和焉毋爲惜 倬 之去其爲此藤惜

可矣

噫我畫藤乃畫我我將去藤我則那我方設想在畫間

是程堂集一

滿紙尚作藤花殷藤花爛開今已過我看花後行將還

將還且住復何事不如畫中之我終日比我閒畫成那

便不稱意畧記年時與人地天涯到處有藤花一笑此

圖亦多事

二絕句

天才俊快世莫比我愛錢郎我不疑 謂衍 間日不來來

竟日入門無語只吟詩

輕雷隱屋溜奔泉消受新涼過雨天午夢黑蛟翻水立

醒來人臥古藤邊

余偶作九絕句旋棄其稿他日憶之不得衍石爲

余誦其二終失其七遂亟錄前二詩存之更戲

書一絕于後

信手詩成容易散素心人對不能多錢郎解憶輕雷句
已後詩亡却問他

寄小檀藥室諸子三首

寒夜空明月墮遲新秋節候露蛩知渴呼茗飲消殘醉
嬾翦燈花續舊詩儻屋小于梁上燕課奴勤似塾中兒
小僕鄒楚待余讀書終日問字相勸不已客居苦憶檀藥室且指家山訂後期

查老父郎寄皖城胡侯范子復銷聲天留此客羈人海
我愧無才賦帝京秋思十分增刺促名場一昔悔從
橫六街如水門常掩故態真堪笑絕纓

壞牆七尺長莓苔屋角新晴向晚開著雨花如寒女怨

○人

是程堂集十

九

窺簾月似故人來案頭書帙侵殘蠹門外車聲隱怒雷
已辨頭銜稱傲吏江湖只合老麤材

題盧秋槎戶部尊甫思亭先生雅谿述德圖

浙東有耆宿曰雅谿盧氏聞諸鄉先生稱說無溢美先
生世業儒淹通識名理儲書萬卷樓湖自府丞始教讀
兼教耕或隱而或仕孝弟力田科流風漢京企懿昔東
園公層軒課厥子箕裘紹先生吉夢發蘭芷東西兩崑
間三峰屹然峙世傳通德門人說履道里先生此養晦
若將終身矣而天大其宗舊德食未已長公金閨彥聲
譽鳳毛起一官佐司農餘事究文史安車昔就養白髮
動朝士豈知歸興長還如雅谿水茲圖寫林泉中復貌

黃綺骨相喬松蒼齒德靈光歸他年拜牀下倘許隨杖履捧爵前致辭歌君子豈弟

題梧桐門學士移竹卷

奇礪石邊種新竹却符十五蕭郎竿小檀藥室竹更好繞階一翔青鸞雨昏烟碧壓梢重家書爲報俱平安鄉園有夢發清興那得移向都門看竭來屢過詩老宅排闥忽聽秋聲寒掀泥亂迸籬角密敗葉不埽書堆殘舊聞北地產竹少如此林立知應難先生移植向何處得非檀柘或戒壇當時手栽數寸碧用山行鞭已作蛟螭蟠泉負鍤課力輩杜門忘却京朝官疎寮透明風日足頗似雲水江南寬今朝合賦竹請客大書鐫刻青

是程堂集十

琅玕

耦庚屬畫湘夢圖二首

墨漬君山一角秋望雲心逐楚江流此身忽被天風引不到三湘到十洲

烟雨篷窗聽鷓鴣蘆中人語一招呼爲君寫夢吾同夢却夢君家舊賜湖

吳蘭雪國博屬汪澣雲儀部

梅鼎

作蓮花博士圖

并繪其姬人綠春小影于上戲題二絕

雙笑盈盈鏡檻邊分明眷屬有神仙記從玉女窗中見十丈花開藕似船

憑欄手把玉芙蓉涼透生衣水面風舉似鷗波亭故事

頭銜須換水晶宮

校讀梧門先生所輯朋舊及見錄畢卽題詩龕圖

後

天地有大文譬之水行地要惟溟渤寬始納衆流細浩蕩江與河一曲千里勢而皆委歸墟翁受無遜避詩道于文章所以達政事百六十年來亘古此 文治先生際其隆綜括知不易窮源探宿海乃使百川會昨觀所著錄卷六十有四上以宣 皇風下以備多識韓孟極推挽僑札通氣誼平生交遊間兼亦徵臭味鯁生近從事篇什窺一二始歎大匠能萬象入鑪錘想見詩龕中拉雜充巾笥光從霄漢燭筆有精靈衛吁嗟古作者積是程堂集一 二

滯

吳思亭

修

出示復園板橋落成詩畫冊索題冊中

詩凡二十人爲樊榭堇浦諸先生皆浙東西名

宿也

平泉草木儘荒蕪雅集西園賸有圖六十年來吾晚出板橋雜事記模糊

尚留竹粉染鬚眉裙屐風流想見之解話襄陽耆舊錄

白頭侍講少年時

謂梁山舟前輩

論詩三昧九絕句和翁覃溪先生 并引

說詩隸事昔賢病之比附辭義終闕旨趣竊謂吟咏所託本乎自然中孕靈秘外感哀樂貞淫之別匪可僞飾時謁覃溪先生命同此作不欲規撫遺山擗拾阮亭聊因取譬之近未免蹈虛之誚云爾

圓靈妙覺只空明塞斷聞根見性情春氣漸深宜燕語
秋心先得是蛩聲

河梁五字自千秋特放柴桑出一頭掬水江心弄明月
百千萬億赴中流

北宋詩篇接盛唐歐蘇不獨以詩昌後賢苦劃鴻溝界
只是時人學古裝

是程堂集十

三

我患才多未是才却愁空手寶山回掌中百琲明珠子
要把絲繩貫串來

宛轉心抽獨繭絲幾番叉手幾撚髭如來據地作獅吼
正在垂眉斂膝時

建章長樂未央宮萬戶千門迴不同絕大經營一彈指
金銀臺現五雲中

風謠政事本相關千古春陵元次山正月繁霜雨無極
特開變雅不從刪

慶歷元和聖德詩武功文教不同時太平歌詠詞臣職
孰是岨岫孰退之

各承初祖各傳衣認取西來路不迷洗却六朝金粉氣
一同歡喜證菩提

董文恪公篆書座右銘墨跡富春相國師命題

善書古純臣落筆動以正每從楮墨間約畧窺志行英
英尚書公鐘鼎勲業盛座右寫崔銘堂奧入書聖冰斯
不足多淳古饒瘦硬想見立朝時手握元化柄我師出
相示什襲藏弄慎珠光迸行間寒具手先淨祖庭一瓣
香再拜心致敬其言足垂範鍼砭世俗病而况運筆時
體驗入心性筆正正以心中懸至人鏡竊思青瑤鐫響
榻空齋應萬本廣流傳六書資攷證摩厓家人卦千秋
各論定

竟其

是程堂集十一

三

覃溪先生曩爲季子星原締姻李氏其秋盆荷作
花皆並蒂吳鑑庵前輩爲作圖先生作詩詠之
卽次元韻題卷後

苗苜雙開艷絳陵黃荃妙手寫來能同心三五花如月
照影西南鏡似冰樂府歌成聲不斷長蘆圖後詠誰曾
異時 中禁輝蓮炬始識仙人是寶鐙

題李白裘馬換酒圖

長安市上尋酒徒古之酒徒今已無酒徒什百藏屠沽
但能痛飲急走呼小兒齷齪笑腐儒張筵召客禮法拘
殘杯漉液沾脣鬚歸來索米喧妻奴今日座上客意氣
驚庸奴主人識此意高張太白換酒圖圖中人不識

吾翩翩裘馬麗且都擲筆已教黃鶴碎張口且作長鯨
呿一奴忽走告先生真絕倒金貂置牀頭且付酒家保
明日瓶已空先生笑從容呼兒亟料理牽馬出殿中一
裘一馬亦何有聞道十千沽一斗夜郎歸來不報恩只
祝長江變春酒求仙事荒唐功名付尋常不見獨醒客
顛顛埋沉湘謫仙之謫已千載一笑騎鯨入東海長星
照壁光動搖眼底鬚眉不曾改畫工貌得先生真先生
往矣孰後身座中大有酒人在要向酒人尋替人

同劉芙初董琴南朱勳楣謝向亭周稚圭賀耦耕
錢衍石集客居所居堂分賦食品得韭芽

齋廚動寒事老圃霜力濃食單品堯韭齒頰香色饒俗
言佛開口已過八月中何必春早佳綴花白蒙茸老僮
腸胃窄北地沙土鬆庾郎廿七種那不園丁供茁牙滑
似芹抽甲味壓菘軟炊勝刈葵寸斷類削葱束之兩頭
纖飲此百本豐開園鬱青青已覺五藏通日中例勿翦
登祥過朝饗野人風味長此腹不負公貧家斷炊烟藜
莧腸不充人各種一畦吾念渤海羹

洪忠宣公祠堂古柏圖介亭前輩屬題

我展古柏圖再拜尚書洪見圖如見柏見柏如見公苦
心不使螻蟻蝕粟麵桃梨亦臣職絮書萬里達君前慟
哭兩宮歸不得此身如柏貞且堅可憐白髮羈窮邊冷
山風雪十五載鄱陽祠宇七百年霜皮剝裂膏流渾大

厦將傾失梁棟遷移竟死佞臣讒忠義徒教敵人重吾
鄉亦有公神祠棟題照耀西湖湄地近鄂王墳上樹風
雷親見檜分屍

謝向亭編修寓居僧舍過訪有贈

歲晏朋尊興不違獨乘寒月叩雙扉相逢並世宜焚硯
各近中年合佩韋青豆房深禪味永白楊巷僻足音希
佛香遠透重簾入不染朝衫染衲衣

集蘇米齋覃溪先生出示手摹華山廟碑凡三本

雲臺先生復出新刻四明本相校賦呈兩先生
華山刻石孫繼表延熹四年迄八年肅共壇場祀典重
豐碑卓立三峰巔有明嘉靖地震毀趙曰砌石疑未然

是程堂集十

五

名山響榻百靈護海內尚留二本傳西陂四明及華陰

森若日月星辰懸珠聯璧合吐光怪重摹今見蘇齋前

蘇齋老人篤嗜古著錄度越歐趙先自云假自朱君陳

恭伯錢辛榻雙鉤影榻兼廓填其一立軸兩巨冊波磔擘畫

工迴旋若令朱十并見此驚心動魄何有焉竹垞跋西陂本
有驚心動魄之

語四明舊拓更完好原本新弄瑯嬛仙譬如真形現全

嶽不缺不爛曾誇全全謝山跋四明
本云不缺不爛石紋裂似棋展局墨彩

薄於翼翳蟬廿有二行六百字北湖湖上工重鐫漢京

分隸此最古亦見篆楷隸變遷克陵王玉偶通易前後

變割寧拘牽蔡邕郭香書就是市石察書義孰詮向來

聚訟須一證兩先生許同鉤研攜歸展翫盡三日几案

寶氣騰松烟北湖新本尚可乞搨贈更請煩椎檀

周叔匠爵歌爲少司空陳先生作

蝌蚪漆簡隨灰揚銅花蝕土騰堅光雙柱三足流象珠
爵取節足儀鳳空量容一升有周制倍之如觚惟子商
古人賓僚重酬酢與角觶散同爲觴勒銘旌功詔後禩
橫戈立矢執斧斨先生盛德受高爵峻臣通祿傳旂常
文撫彝鼎儷叔重器辨欵識追歐陽齋陳三爵二無篆
一叔匠作銘文彰蠶眠蛟舞六字古夔文獸面千年藏
春秋命卿例稱字伯和仲偁相頡頏瑯琊嬖弟子好古彥
積古摹釋登縑相朱某堂嘗摹其文載入雲臺先生所編積古齋鐘鼎欵識鯁愚蠶彝苦未
辨吉金酷嗜頻參詳叔姬麟經亦曾載或者剔薛磨偏

是程堂集十

十六

旁齊姜楚嬾並有作安知此器非由房媚媚玉筍映青
綠茗茗金碧垂琳瑯譜入復齋嘯堂錄檀椎徧搨隄麋
香薦登石室酌秬鬯瑟如玉瓚中流黃作詩敢效原父
贊子孫永寶期毋忘

朱某堂兵部

爲弼

屬題月潭八景

柳隄鳴鶯

烟碧柳絲長忽作漫天絮江南春可憐吾欲攜柑去

松石晴嵐

蒼官蔭百尺特立不可攀問君一拳石何似紫陽山

釣臺烟雨

直鉤夫何傷忘餌亦頗妙東湖湖水深曷不往垂釣

石門飛瀑

壁立下清快萬古風濤鳴跳波一何驟送我過笳聲

澄潭印月

月本不照潭潭自不隔月人在水月間俯仰澈毛髮

南屏疊翠

寂寂彼南山青眼若吾待行雲幾往來玉立終不改

西山晚烟

西山在何許黯黯蒼烟積爽氣待朝來償我風雨夕

玉峰積雪

飛鴻一以振未可戀邱樊却因玉峰叟留此雪泥痕

題樂志圖

為康熙朝某君應教作今為揚州程蘊衫所藏

是程堂集一

十七

垂露幃張霄幄場圃果園寧數數微風柁元氣舟嘉時
吉日逍遙遊仲生寓志偶作論無宅無田亦何恨平生
不識高并州老去棲遲豈肥遯畫本摹自鷗波亭亦白
其馬非鴻冥王孫之樂樂何有屈身幕府同飄零何如
盛世高風劭翰墨清華頻應教流傳百六十年來蒞軸
長容託歌嘯程生得此益有因我所思今江南春囊琴
匣劍豈素志曷不歸臥清淮濱不然我其為繆襲他日
佇爾昌言陳

題覃溪先生所藏東坡天際烏雲詩墨蹟

蘇齋先生今坡公詩心禪悅將毋同盡搜公蹟蘇齋中
何况此帖存家風不見六十七印深原翁

帖有翁深原印鈐縫

我家

錢塘公所愛高樓日日湖山對一去船迴浮玉青相思
燕蹴楊花碎夢中長此憶江南草長鶯飛路熟諳湖上
跳珠忽不見清風急雨行瓊儋一場春夢何須喚萬里
看人悵雲漢誰從鳳唳記凌波鳳唳凌波揚鐵匣跋中語五百年來雨
晴換柯敬仲虞奎章媚語忽到句曲張諸人皆有和詩題跋恒沙人
閱歲月忙春風一室開青棠試看天際飛鴻影泥爪空
摹快雪堂

十三日雪和衍石

竹閣且深坐紙窗先透明隔春猶半月作雪未三更潔
白消塵慮孤寒滿物情却依鑪火熱手自理茶鐺

耦庚索和詩甚急雪夜走筆戲柬并呈笑初

是程彙集十

一八

畏君詩工不敢和豈知因畏成懶惰壁門晝偃旗鼓臥
直欲逢君避三舍君詩捷若長臂射部勒指揮都整暇
行成不許敵口藉激之使戰兵用詐劉郎轉戰不肯下
五字堅城亦愁破我時臨陣免冠軍氣不揚真輒懦
歸來重整晉三駕便思一雪軍威挫忽忽草檄張四座
入蔡大功成雪夜

雪霽陪顧南雅先生洪介亭前輩謝向亭同年登
陶然亭呈顧先生

尺五城南總近天雪消 宮樹見蒼然殘年車馬如流

水舊日鷓鴣本列仙知己快逢千載上及門猶附五雲

邊向亭以第二人及第同出顧先生門下辦香別後殷勤祝願繞茲亭佛座蓮

三十初度自訟

庚午正月都門作

古人重事親出入先孝弟汝無升斗養曾不問家計讀書交遊始婚娶衣食備辛苦親獨嘗何事與汝事汝力不勝耕親則推食食汝弱體惡寒親則解衣衣汝性劣好嬉親教汝識字辛苦親備嘗有汝三十歲古人重立身不以窮達異抗懷慕唐虞力學務經濟方其陋巷中原憲履可曳慷慨梁甫吟高歌動天地汝才中下資濶畧多遠志少慕陳同甫大言無顧忌又喜東方生譎詐弄狡獪方其困蓬蒿任汝高論議倘假尺寸柄何以謝當世又聞古人學學貫天人際爲己不爲人實至名乃至汝以干祿心僥倖求自試一舉領鄉薦再上列上第

是程堂集十

一元

又無專一心餘事誇多藝虛聲動王公苟且博名位汝視環堵中白髮今幾輩窮年通一經于汝則猶未汝生無弟兄門戶苦衰墜老親尤愛暱汝外惟汝妹汝妹已適人汝身復在外今日堂上歡何人勸親醉汝妻病在牀親側誰與侍愛婦親則勞瑣屑代中饋二子一尚小出門甫周晬兒嬉逃學歸兒飢索餅餌一如汝幼時兩世足親累人生要忠孝豈獨苟富貴翰林職清顯報稱知不易卽今方改外重以民社寄專城領大邑何以飾吏治汝年已三十勉旃行作吏後日不可知自訟益自愧

富春相國師以石谷麓臺山水二幀贈行賦此誌

謝

門外車馬閒松籟忽到耳離憂正填胸展翫乃失喜瓊
函裝鈿軸竟幅三尺紙一爲司農筆一署石谷子丹青
渲林巒粉墨界雲水名蹟重國初華亭讓專美吾師
家學富餘事通畫理文恪公及相國師皆通六法繪藻日月手揮翰壓
庸史樞庭夜退直鄉夢富春里摩挲萬琳瑯縑素堆棊
几從遊學皴染湘管禿鼠尾朝爽生西山挂笏領微旨
翻然顧謂倬小子頗解此南轅促選人遠別從此始行
看愷之廚化作簿書委縹囊解投贈德意安可擬持歸
戒童僕寒具手應洗青山移我情挂壁驚仰視明晨當
俶裝破硯壓行李從此米家船滄江白虹起

趙北口

是程堂集十一

三

長橋蜿蟺臥雌霓電蹀躞雄關趁馬蹏沙際行人聚鐙火
蘆根淺水宅鳧鷖直沽風雪經春暖析木星辰傍海低
比較吾鄉好風景畧如蘇白二公隄

再過泰安謁岱廟

千峰積元氣萬古奠真形香案曾親侍丹梯此再經登
封紀秦漢享祀配云亭却望天門迴蒼然未了青

嘉和庵中成煉開
雙於真州廬舍

是程堂集卷第十

秣陵陶士立仿宋書王日華董刊

